

# KA ELELE HAWAII.

Buke 2.

HONOLULU, OAHU, IURAI 22, 1854.

Pepa 10.

HE KANIKAU ALOHA KEIA NO F. KAMAE.  
Kuu keiki i ka makani a Kekiu,  
E olelo mai ana ka laulau o ka pali mehe  
kanakala,  
Pupuu a kuu i ke anu a kamakani Hehala  
oni—e,

Kuu keiki i ka aina kula wai ole o Kalama,  
Aia ka wai i ka maku o ka Opua,  
A holo mai ka uai wai nulu,  
E ulu wale mai ana no keaioha,  
E haupu ana i loko mehe ipo la—e,  
Kuu keiki ka aina alohuli i kamakani,  
Hoolale ka manu i ke kai o Mapu,  
E hoolale mai ana e lawelawe keo,  
Mapu e hano ka leo o kuu keiki e pae nei,  
E wawa nei i kalai o kona hale—e,  
Kuu keiki i ke kula ea i ka lepo o Kualalai,  
He hale ka kahi waiho o ke kino,  
O ke aka o kauhaue ke pae nei i ka welelau  
makani,

I ka hoominamina makani a kawahine—e,  
Kuu keiki i ka makani a Kaulumano,  
Mai ke kula loa o Hanamaulu,  
Oia kai keone o Alio,  
E hiki aku ai i ka wei o Makaukii,  
Aloha kauhane i ka lai o Hauola—e,  
Kuu keiki i ka wai halau o Wailua,  
Mai ka makani anu he Waiopua,  
Ko keano o ka welo i ka wai,  
E alo aku ana i na paka ua aokea o Kapaa,  
Nononoho a kuu i ke ehukai o Makaiwa—e,  
Kuu keiki i ka wai o Waikaia,  
E walea ana i ka nalu o Kaohala,  
Hoaiikane aku la me Hoopioimalanai,  
Me ka wahine i ka lulu o Waimahanaue—e,  
Kuu keiki i ke kula o Mailchuna,  
Huna aku oe i ko kino me ko maku,  
Haele mai nei oe i ka pili a kuu,  
Noho au me ka u me ka minamina ia oe—e,  
L. KAHAHA.

Haliuamile Honolulu Iulai 5 1854

## Ka Ahaolelo

Ke kaa mau nei no, aole i pau kana hana  
Ahea la pau? Ua pau na dala he 10,000 i ha-  
waii na ka Ahaolelo, aole nae i pau ka hana,  
tokoke nae paha pau. Ua hoomakaa ka  
ana ma ka Bila Kalaiwaiwai i keia mau la;  
i pau, alaila, pau paha ka ahaolelo.

O na Bila ano nui i hoopapaia i keia  
nau ia iho nei, nona kahuaiki makai o ka  
Papu, Honolulu, ma Waikahalulu, e uku i ke  
lihiwaine i \$22 00 no kona kuleana malaila  
i lilo loa ia wahi i ke aupuni; alaila, hana ia  
wahi i na wapo, a me na kahuaale kuai, a  
hoolimalima aku, i loa ke dala o ke aupuni  
malaila. Ua hoolohioa keia Bila, i loko o na  
uale elua.

O ka Bila auhau waiwai paa a waiwai lema  
kekahi, ua hoolohioa e na lunamakaainana  
keia Bila, aole nae e holo i lani.

O ka Bila kokua i na kula ma ka olelo Be-

tania, ua hoolohio loa ia, a ua paa; o ke koho  
i na kahu koe.

O ka Bila e hoonui ana i ka mana o na  
Lunakanawai hoomalu o Honolulu a me La-  
ahaina, e hiki ke hoopaa i ka poe aie; Ua  
hoolohio loa ia, a ua paa.

O ka Bila hoi e hoopanee ana i ka manawa  
i haawia i ka poe hui hoolohio moku ahi,  
hookahi makahiki hou aku, e imi a loa ia la-  
kou, ka moku ahi hou, e hoolohio maanei, ua  
hoolohio loa ia, a ua paa.

## Keia mea Keia mea.

Ua hoolohioa kekahi kumu, no kona ka-  
umaha i ka halihali i ka Elele o ka poe lawe me  
ka uku ole. Ua makehewa ia lawe ana i ko ia-  
kou hale. Eia ka pono, e hai mua na lawe  
Elele i kahi e loaia, a na ka poe lawe e kii ae.  
Pau ia.

Eia kekahi; ua palapala mai o Kuheleloa  
ma Waimea, Kauai, ua hanau kekahi lio wa-  
hine malaila i elua keiki, maikai, ae ola ana  
no. Nui wale na kanaka hele e ike; a olelo  
ka poe kahiko malaila, "kupanaha keia lio  
ka hanau mai elua ana mau keiki; akahi no  
a ike maku makou; aole imama." Ua ha-  
nau kekahi lio wahine ma Koloa elua kei-  
ki, a na Hanalei kekahi, a ua pau nae i  
ka make.

O ka hui ma Makawao, ua poino no ka  
nui o ka ua i keia manawa; nolaila, ua popo  
po kekahi, a ua ulu kekahi. Nui nae i koe,  
aole pau loa i keino.

Akahi no ka makahiki ua pinepine i ke kau  
Ma Honolulu nei, ke ua nei no, a ua uliuli  
maikai ke kula o kahua. Nui ka wai ma  
na kahawai.

Ke holoholo nei ka moku ahi "Maikai"  
io ianei, e halihali ana i kela mea keia mea,  
Ua oleloia, o ka hiki mai koe o ka moku ahi  
hou, he moku nui, o Sea bira "kona inoa" aia  
ma Kalifornia; ua kuai ia e ka poe hui nona  
ka Maikai, e holo mai, a holoholo pili aina  
maanei iwaena o keia Paiaia. He \$400,  
000, a keu ke kumukui o keia moku ahi.  
Pomaikai maoli kakou, ke holoholo keia mo-  
ku ahi nui maanei, e halihali i na eemoku, a  
me na holoholona, a me ka wahie, me ke  
la mea keia mea.

## LA 4 O IULAI.

Ma Honolulu i ka poalua o keia pule, oia  
ka la 4 o Iulai, ka la hanau ia o Amerika  
Huipua, nui na mea i hanaia e na haole  
Amerika o onei. He mea mau no ia me na  
kanaka o Amerika Huipua, ma na aina a pau  
a lakou e noho ai, e hoomanao ia la ma ke ki  
pn ana a me ka halawai ana a me na olelo.

No ka mea, manao lakou, ka hanau ia o  
kahi Aupuni nui, a o kekahi mau mea no hoi  
e pono ai a e pomaikai ai na kanaka o na aina  
a pau.

Ia la i ka M. H. 1,776, ua hoolaha mua ka

Ahaolelo o ia aina i ka manao o ia lahuika-  
naka e noho kuokoa me ka hiline ole i ke  
Aupuni o Britania nui, a e hana i Aupuni  
no lakou iho e like me ko lokou makemake.

Ina o kela makahiki keia makahiki ua he-  
lueluia ia olelo hoolaha a lakou i ka akoakoa  
ana o na Amerika, me ka hoomanao ana i ka  
moolo o ko lakou aina hanau mai ka mua  
a i ka hope,

Manao lakou, ua pono no ka hauoli a me  
ka hookiekie paha i ka nana ana ia moolo.

I ka makahiki 1,776, wahi a lakou, ma ia  
aina un 13 moku wale no, he mau moku lili  
a me ka nawaliwai, ekolu miliona wale no  
na kanaka oloko; a i ka makahiki 1854 ua  
hala na makahiki he 78, a ua ulu mai na mo-  
ku a i keia wa he 31 o lakou, a o kanaka  
oloko he iwakalua miliona a keu!

Ua ulu mai wahi a lakou, ke kalepa ana  
me na aina a pau o ka honua nei, a ua ike ia  
na pea o ko lakou mau moku kiki ma na mo-  
ana a pau mai ke kukulu akau a hiki i ke ku-  
lu hema. Ua paha ko lakou mau muliwai nui a  
me na moanawai i na moku ahi maikai a i na  
moku o kela ano keia ano, a ma ka aina ua  
hanaia na alanui hao he nui wale, he 13,000  
mile a keu ke huipua. Eia no hoi kekahi,  
ke noho nei na kanaka o ia aina, ka nui o la-  
kou, me ka maluhia, a me ka pomaikai, a me  
ka hana ikaika, a me ka imi ikaika i na mea  
e pono ai lakou.

Uuku ka poe ilihune, nui na kula, nui na  
hale hana i na lolo o kela ano keia ano, a ua  
lako loa na mea i kanua ma ka mahiai no la-  
kou iho a no kekahi mau aina e ae. I ka  
M. H. 1,776 ua aie ke Aupuni i hai, kau-  
maha no ka aie, a ua uuku a me ka nawali-  
wai. I ka M. H. 1854, eia wale no ka ninau  
heaha la ka mea e hoopau i na dala he mau  
miliona e hiki mai ana i ka waihona.

E like me ke Aupuni, pela no na moku, a  
pela no hoi na kanaka; ua holo mua, a ua  
ulu nui mai na pono a me ka pomaikai, ma-  
mua aku paha o na aina a pau o ka honua  
nei. Nolaila, manao lakou, ua pono maoli ia  
lakou i ka hoomanao ana i ka la hanau o ia  
Aupuni, ke olioli pu, a ke hauoli, a ke hooka-  
no aku paha, a me ka hoomaikai aku i ke  
Akua lokomaikai. Ua pono io paha, ke poia  
ole lakou i na hewa o ia lahuikanaka, a  
ina i paa ko lakou manao e imi i na mea e  
hoemai ai na hewa o ia aina e hoomahuahua  
ai kona nani io, a me ka pono.

Eia na mea i hanaia i ka poalua iho nei ma  
Honolulu nei. I ke kakahiaka, halawai na  
haole Amerika, a me he mau haole e ae, me  
na koo haole puulu o Honolulu, a me na ka-  
naka maoli kekahi, ma ka hale hookolokolo.  
Malaila, no hoi, ka poe hui kinai ahi, o Ho-  
lulu me na mea kinai ahi, i kau lia na lei  
maluna he nui wale.

Ma ke awakaa na ki ana o na pu, (he 31